

**इवनिंग डोगरी न्यूज़ बुलेटिन  
समे .18:15 Hrs**

<><><><><><>

**Headlines**

- 1 राष्ट्रपति हुंदे दौनें सदनें गी दिते गेदे अभिभाषण पर प्रधानमंत्री होरें अज्ज राज्यसभा च धन्नवाद प्रस्ताव पर परता दिता। उनें आखेआ जे अस्स हर इक क्षण दा इस्तेमाल मुख्य दी प्रगति लेई ते लोकें दी भलाई बेहतरी लेई कीता जा'रदा ऐ।
- 2 राज्यसभा च अज्ज राष्ट्रपति हुंदे अभिभाषण पर धन्नवाद प्रस्ताव पर चर्चा होई।
- 3 उपराज्यपाल मनोज सिन्हा होरें युवाएं गी आखेआ जे ओह मजबूत ते विकसित भारत लेई किट्ठे रलिए जत्न करन।
- 4 जंगलात ते जनजातीय मामलें दे मंत्री होरें आखेआ जे भाषा कुसै बी समुदाय दी पंछान दा इक्क प्रमुख हिस्सा ऐ।
- 5 भारत चंद्रयान-4 मिशन गी भेजोग तां जे चन्न थवां चट्टानें दे नमूनें आहने जाई सकन। आखेआ विज्ञान ते टेक्नॉलॉजी मंत्री डॉ. जतिंद्र सिंह होरें।

<><><><><><>

**PM-Reply**

प्रधानमंत्री नरेंद्र मोदी होरें संसद दे दौनें सदनें दी सांझी बैठक च राष्ट्रपति हुंदे अभिभाषण पर धन्नवाद प्रस्ताव पर अज्ज राज्यसभा च परता दिता। प्रधानमंत्री होरें आखेआ जे राष्ट्रपति हुंदे भाषण प्रेरणा देने आहला ते असरदार हा। उंदा अभिभाषण भविक्ख दे जतनें लेई मार्गदर्शन आहला लेखा ऐ। प्रधानमंत्री होरें आखेआ जे राज्यसभा च बोलदे होई प्रधानमंत्री होरें आखेआ जे मौजूद संसाधनें दे बेहतर प्रबंधन ते इस्तेमाल लेई स्हाड़े जत्न जारी न। उनें आखेआ जे हर इक क्षण दा इस्तेमाल मुख्य्ठा दी प्रगति ते लोकें दे कल्याण लेई कीता जा रदा ऐ। उनें आखेआ जे गल्ल संसाधनें दी होए यां लोकें दी भलाई बेहतरी दी हर तरीके राएं बेहतर प्रबंधन कीता जा 'रदा ऐ ते इस्सें नजरिए कन्नै कमम होआ रदा ऐ। उनें उधमपुर-श्रीनगर-बारामूला रेल परियोजनां दी बी गल्ल कीती। उनें आखेआ।

<><><><><><>

## RS-Motion of Thanks

राज्यसभा च अज्ज राष्ट्रपति हुंदे अभिभाषण पर धन्नवाद प्रस्ताव पर चर्चा परतिए शुरू होई। चर्चा च हिस्सा लेंदे होई भाजपा सदस्य देवेन्द्र प्रताप सिंह होरें आखेआ जे सरकार नै करसानें दे कल्याण आस्तै उन्दी कृषि पैदावार आस्तै घटोघट्ट समर्थन मूल्य यकीनी बनाने ते अनुसूचित जाति ते अनुसूचित जनजाति समुदायें दे कल्याण आस्तै केई उपास कीते न। बहस च हिस्सा लेंदे होई साबका प्रधानमंत्री ते जनता दल दे नेता एच.डी देवगोड़ा होरें आखेआ जे गरीबें, महिलाएं ते करसानें दा कल्याण सरकार दी पैहली तरजीह ऐ। उनें इस बरे केंद्री बजट च राई-बाई, सेहत ते शिक्षा जनेह खेत्तरे आस्तै कीते गेदे बजटीय आवंटन दी बी सराहना कीती।

<><><><><><>

## LG-Seil Tour

उपराज्यपाल मनोज सिन्हा होरें युवाएं गी इक मजबूत ते विकसित भारत बनाने लेई सामूहिक तौरा उप्पर कम्म करने दा आह्वान कीता ऐ। उनें युवाएं गी आखेआ जे ओह समाज दे कमजोर तबकें दी जरूतें उप्पर ध्यान देन तां जे ओह विकास प्रक्रिया च हिस्सा लेई सकन ते चौतरफा तरक्की च योगदान देई सकन। एल.जी मनोज सिन्हा होरें एह गल्ल अज्ज आयोजित इंटर स्टेट लिविंग च स्टूडेंट्स एक्सपीरियंस टूर राष्ट्रीय एकात्मा जातरा 2025 दे समापन समारोह गी संबोधित करदे होई आक्खी। 3 फरवरी थमां शुरू होई दी इस जातरा दा आयोजन अखिल भारतीय विद्यार्थी परिषद नै कीता हा। इस मौके उप्पर बोलदे होई एल.जी होरें आखेआ।

<><><><><><>

## Javed-Rana

जंगलात ते जनजातीय मामलें दे मंत्री जावेद राणा होरें अज्ज आखेआ जे भाषा कुसै बी समुदाय दी टकोहदी पंछान लेई महत्वपूर्ण भूमिका निभांदी ऐ। उनें एह गल्ल अज्ज के.एल सहगल हाल च आयोजित मन्ने-परमन्ने दे गुज्जर नेता ते स्वतंत्रता सेनानी फियाज हुसैन इंकलाब हुंदे उप्पर इक रोजा सेमीनार दे उद्घाटन दौरान आक्खी। अपने संबोधन च उनें आखेआ जे फियाज हुसैन इंकलाब होरें जनजातीय भाषा लेई अनथक मेहनत कीती ऐ ते बन्ने आहले दौनें जिलें दे लोकें दे सुधार चउंदा बड़ा मता योगदान ऐ। राणा होरें आखेआ।

जम्मू-कश्मीर कला, संस्कृति ते भाषा अककादमी आसेआ आयोजित गोजरी भाषा लेई इस कार्यक्रम च जम्मू-कश्मीर दे बक्ख-बक्ख हिस्सें थमां लखारियें हिस्सा लैता। इस कार्यक्रम च JKAACL दियां सचिव हरविंद्र कौर, JKAACL Jammu दे खेत्तरीय अध्यक्ष डॉ. जाविद राही ते होर प्रमुख लोकें बी हिस्सा लैता।

<><><><><><>

## Doda Lal Draman

डोडा जिला प्रशासन आसेआ 8 फरवरी गी लाल द्रमन च विंटर फेस्टिवल दा सरिस्ता कीता जा'रदा ऐ। आकाशवाणी जम्मू संवाददाता दी रिपोर्ट मूजब इस उत्सव दा सरिस्ता जिला प्रशासन आसेआ तेजस एक पैहल फाउंडेशन आसेआ कीता जा'रदा ऐ। एहदे लेई केई सारी गतिविधिं दा आयोजन कीता जाग जेदे च खेड्ड गतिविधियां, टेकू नाच, मुकामी कला सरबंधी प्रदर्शिनयां, मुकामी खाना ते बक्ख-बक्ख मैहकमे आसेआ स्टाल लाए जांगन। उत्सव गी सुचारू ढंगे सिर सम्पन्न करोआने लेई टकोदियां जिम्मेदारियां सौंपियां गेदियां न। पुलस ते सेना आसेआ सुरक्षा ते यातायात प्रबंधन दा कम्म दिक्खेआ जाग।

<><><><><><>

## Chandrayaan

विज्ञान ते प्रौद्योगिकी मंत्री जितेंद्र सिंह होरें दसेआ जे भारत 2027 च चंद्रमा थमां चट्टाने दे नमूनें गी धरती उप्पर आहने लेई चंद्रयान-4 मिशन शुरू करोग। चंद्रयान-4 च भारी लिफ्ट एलवीएम-3 राकेट दे घट्टोघट्ट 2 बक्ख लांचिंग शामिल होंगन जेदे च मिशन दे 5 बक्ख-बक्ख घटक होंगन जेदे आर्बिट च कट्टे कीते जांगन। मंत्री होरें आखेआ जे गगनयान मिशन जेदे च भारतीय अंतरिक्ष यात्रिं गी खासतौरा उप्पर तैयार कीते गेदे अंतरिक्षयान च हेठली धरती दी कक्षा च भेजे जाने ते उनेंगी सुरक्षित तौरा उप्पर वापस आहने दा कम्म अगले बरे शुरू कीता जाग। डॉ. जितेंद्र सिंह होरें आखेआ।

<><><><><><>

## RS-EAM-Statement

विदेश मंत्री डॉ. एस जयशंकर होरें आखेआ जे कनून ते नियमें दी पालमा करदे होई विदेश च प्रवास करना सामूहिक हित च ऐ। उनें आखेआ जे जेकर कुसै मुख्य दे लोक दुए मुख्य च गैर कनूनी तौरा पर रौहंदे होई पाए जंदे न तां उन्दे उप्पर कार्रवाई करना ऐसे मुख्य दे जिम्मेदारी ऐ ते एह अंतरराष्ट्रीय कनूनें च आमतौर पर स्वीकृत सिद्धांत बी ऐ। जयशंकर होरें अमरीका सोयां भारतीय नागरिकें गी वापस भेजे जाने दे मुद्दे पर राज्यसभा च अपना वक्तव्य दिदे होई एह गल्ल आक्खी। उनें आखेआ जे निर्वासन दी प्रक्रिया कोई नमीं गल्ल नेई ऐ ते एह लगातार चलने आहली प्रक्रिया ऐ। उनें आखेआ जे साल 2009 च 734 लोकें गी भारत भेजेआ गेआ हा, जिसले कि 2024 च इक जहार 368 ते इस बरे 104 लोकें गी भारत वापस पजाया गेआ। उनें आखेआ जे भारत सरकार एह यकीनी करने आस्तै अमरीकी अधिकारिं दे संपर्क च ऐ जे वापस भेजे जा रदे लोकें कनूनें कोई माड़ा बर्ताव नेई होऐ।

<><><><><><>

## **Watershed Yatra**

वाटरशेड यात्रा जेडी डब्ल्यू.डी.सी प्रधानमंत्री कृषि सिंचाई योजना 2 तैहत चलाई जा'रदी ऐ, दा साम्बा दे डिप्टी कमिशनर राजेश शर्मा होरें ADDC, Assistant Commissioner पंचैत ते डीडीसी मिम्बर हुंदी मौजूदगी च कीता। इस दौरान इक सांस्कृतिक कार्यक्रम दा सरिस्ता कीता गेआ जेदे च नुक्कड़ नाटक, गीत, भाषण ते होर दुइयां गतिविधियां एहदा हिस्सा हियां। इस दौरान वाटरशेड विकास ते पर्यावरण संरक्षण दी महतता गी उजागर कीता गेआ। पानी दे संरक्षण लेई कम्म करने आहले वाटरशेड वारियर्स गी डी.सी साम्बा होरें सम्मानित कीता। इस मौके पर बोलदे होई साम्बा दे डिप्टी कमिशनर राजेश शर्मा होरें आखेआ।

<><><><><><><>

## **JKBOSE Chairman**

जम्मू-कश्मीर सरकार नै डॉ. परीक्षित सिंह मन्हास हुंदे जम्मू-कश्मीर बोर्ड ऑफ स्कूल एजुकेशन दे चेयरमैन ते स्टेट काउंसल ऑफ एजुकेशन रिसर्ज एंड ट्रेनिंग दे डरैक्टर दे तौरा पर उन्दे कार्जकाल गी इक म्हीना होर बधाई दित्ता ऐ। इस सरबंथै च स्कूली शिक्षा मैहकमे दे वित्तीय आयुक्त शांतमनू हुंदे आसेआ जारी कीते गेदे इक सरकारी आर्डर च आखेआ गेआ ऐ जे डॉ. परीक्षित सिंह मन्हास हुंदे JKBOSE दे चेयरमैन ते SCERT दे डरैक्टर दे तौरा उप्पर उन्दे कार्जकाल दी अवधि पूरी होने दी तरीक थमां इक म्हीने दी होर अवधि लेई मंजूरी देई दित्ती ऐ।

<><><><><><><>